



ՀԱՍՏԱՏՈՒՄ ԵՄ՝

ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
Ռ. ՊԵՏՐՈՍՅԱՆ



«24» 09 2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000077

Ձեռնարկողը՝

Քաղաքացի Հովհաննես Չոլախյան

ք. Երևան, Ե. Կողբացի 1ա, բն 73

Գործունեությունը՝

Ծաղկաձոր քաղաքի Պահլավունյանց փողոց թիվ 18/4 և 18/5 հասցեներում հյուրանոցային համալիրի կառուցման և հանգստի տնակների վերակառուցման աշխատանքների շրջակա միջավայրի վրա ազդեցության նախնական գնահատման հայտ

Կոտայքի մարզ

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի պաշտոնակատար՝



Ա. Թարգյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 000077

<24> 09 2020թ.

Ծաղկաձոր քաղաքի Պահլավունյանց փողոց թիվ 18/4 և 18/5 հասցեներում հյուրանոցային համալիրի կառուցման և գոյություն ունեցող հանգստյան տնակների վերակառուցման աշխատանքների շրջակա միջավայրի վրա ազդեցության նախնական գնահատման հայտ

Ներածական մաս

Ձեռնարկող՝

Քաղաքացի՝ Հ Չոլախյան

Փաստաթղթի տեսակը՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Տեղադրման վայրը՝

Կոտայքի մարզ, Ծաղկաձոր համայնք

Քաղաքացի Հովհաննես Չոլախյանի կողմից նախատեսվում է Կոտայքի մարզի Ծաղկաձոր քաղաքի Պահլավունյաց փողոց թիվ 18/4 և 18/5 հասցեներում կառուցել հյուրանոցային համալիր, /ռեստորանային մասնաշենք, երկու հանգստյան տնակ, կաթսայատուն և այլն/ և վերակառուցել գոյություն ունեցող երկու հանգստյան տնակները: Ներկայումս "PARK VILLAGE" հյուրանոցային համալիրի տարածքում գործում են երկու բնակելի քոթեջներ:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 6-րդ մասի, 7-րդ կետի ա) ենթակետի՝ նշված գործունեությունը դասակարգվում է «Գ» կատեգորիայի գործունեության տեսակների ցանկում:

Նկարագրական մաս. նախագծման համար հիմք են հանդիսացել կառուցապատողի անշարժ գույքի սեփականության իրավունքի 14/02/2019 թ. գրացման N 14022019-0062 և N 14022019-07-0064 վկայականները, ինչպես նաև Ծաղկաձորի քաղաքապետի կողմից տրված 01.29.2020թ. N 01 նախագծման թույլտվությունը: Կառուցապատվող հողամասի նպատակային նշանակությունը՝ բնակավայրերի, հատուկ պահպանվող տարածքների է, գործառնական նշանակությունը՝ հասարակական կառուցապատման, հանգստի համար նախատեսված: Հյուրանոցային համալիրի հարևանությամբ Պահլավունյաց փողոցն է, որտեղից էլ կազմակերպված է մուտքը և ելքը:

Կառուցապատվող հողամասում առկա են 103.24 և 92,61 քմ մակերեսներով երկու տնակներ: Տարածքում մասամբ իրականացվել է հենամասի, ռեստորանային մասնաշենքի շինարարական, ինչպես նաև՝ հյուրանոցային համալիրի հիմքի հողային աշխատանքները: Տարածքը գտնվում է թեք ռելիեֆի վրա: Տեղումատու, կառված ծնիալի և մթնոլորտային տեղումների հետ, դիտվում է մերձմակերկային և ստորգետնյա ջրերի առատություն: Շինարարական աշխատանքների ընթացքում ծառահատումներ չի

նախատեսվում: Պահլավունյանց փողոցից հյուրանոցային համալիրն ունի մեկ կենտրոնական մուտք, իսկ կառուցապատվող տարածքի վերևի հարթակում նախատեսված է երկրորդական մուտքը՝ սպասարկման ու հակահրդեհային նորմատիվներն ապահովելու համար:

Հողամասի ստորին հատվածի աջակողմյան և ձախակողմյան մասերում բնակելի քոթեջներն են, իսկ արահետի վերջում տեղադրվում է հյուրանոցային մասնաշենքը: Համաձայն նախագծային լուծումների, գոյություն ունեցող բնակելի տնակները ենթարկվելու են մասնակի փոփոխությունների: Նախատեսված են ներքին հատակագծային լուծումների ձևափոխություններ և տանիքների լանջերի թեքությունների փոփոխություններ:

Նոր կառուցվող բնակելի քոթեջները երկհարկանի են, երկրորդ հարկը ձեղնահարկ է: Քոթեջն ունի երեք ննջարան, որոնցից մեկն առաջին հարկում է, իսկ մյուս երկուսը՝ երկրորդ հարկում: Ռեստորանային մասնաշենքը բաղկացած է նկուղային հարկից, երկու վերգետնյա հարկերից և ձեղնահարկից: Մասնաշենքի առաջին հարկը նախատեսված է որպես ճաշարան՝ հյուրանոցային համալիրի հաճախորդների համար, իսկ վերին հարկի դահլիճները ծառայում են տարաբնույթ հանդիսություններ կազմակերպելու համար:

Հյուրանոցային մասնաշենքը բաղկացած 5 հարկից՝ նկուղային, որը ծառայում է որպես ավտոկայանատեղի և երկհարկանի ձեղնահարկից: Առաջին հարկում սպասարկող անձնակազմի սենյակներն են, կոնֆերենց դահլիճը և փոքրիկ հուշանվերների խանութը: Երկրորդ հարկում տեղակայվելու է առողջարանային SPA կենտրոնն իր բոլոր հարմարություններով: Հյուրանոցային համարները սկսվում են երրորդ հարկից:

Համալիրի աջակողմյան հատվածում մեկ հարկանի կաթսայատունն է: Կաթսայատան նկուղային հարկում տեղակայվելու է պոմպակայանը, իսկ տանիքում՝ չիլլերները: Բոլոր մասնաշենքերի տանիքները լանջավոր են՝ կազմակերպված ջրահեռացմամբ: Մասնաշենքերի ճակատները նախատեսված են սրբատաշ քարով, իսկ ցոկոլային հատվածները՝ կոպտատաշ բազալտի քարերով: Հյուրանոցային համալիրն ամբողջ պարագծով պարսպապատվելու է: Որոշ հատվածներում լինելու է բաց, մյուս հատվածներում՝ փակ /ե/բետոնե հենապատի, խուլ պարսպի և փայտե էլեմենտների տեսքով/: Կառուցապատման տարածքն ամբողջովին բարեկարգվելու և կանաչապատվելու է, տարածքում իրականացվելու են լուսավորության համակարգերի անցկացում:

Տեխնիկատնտեսական ցուցանիշները ներառում են՝

Տարածքի ընդհանուր մակերես - 2434քմ,

Կառուցապատման մակերես - 1582 քմ,

Կանաչապատման մակերես - 852 քմ:

Օբյեկտի ջրամատակարարումը նախագծի իրականացման արդյունքում, ինչպես և ներկայում իրականացվում է «Վեոլիա Ջուր» ՓԲԸ հետ կնքված պայմանագրի համաձայն: Կենցաղային հոսքաջրերը սանիտարատեխնիկական սարքավորումներից ինքնահոս խողովակներով արտաքին ցանցի միջոցով հեռացվելու են անջրանձամբ սեպտիկ հոր: Համալիրը նախատեսված է առավելագույնը 120 այցելուի սպասարկման համար: Առաջացող հոսքաջրերի օրական քանակը հաշվարկված է 8.7 խմ, որով պայմանավորված սեպտիկ հորի ծավալը կկազմի 60 խմ: Սեպտիկ հորից հոսքաջրերը սահմանված կարգով կհեռացվեն: Համաձայն Ծաղկաձորի համայնքապետարանի կողմից ստացված գրության, համայնքային ծրագրերով կկառուցվի կոյուղու կոլեկտոր, որտեղ կմիացվեն հյուրանոցային համալիրից հեռացվող հոսքաջրերը:

Օբյեկտի տաք ջրամատակարարումը և ջեռուցումն իրականացվելու են էլեկտրական սարքավորումներով:

Շինարարական փուլի ընդհանուր տևողությունը հաշվարկվել է 2 տարի: Նախատեսվող շինարարական աշխատանքների ընթացքում հանվող գրունտը /1350 մ³ ծավալով/ կարճաժամկետ կպահվի շինհրապարակում, որի մի մասը կօգտագործվի հետլիցքի /1030 մ³ ծավալով/ նպատակով: 320 մ³ գրունտի մնացորդային քանակը,

շինարարության ընթացքում առաջացող 80 մ³ ծավալով շինարարական աղբի հետ միասին կտեղափոխվեն Ծաղկաձորի քաղաքապետարանի կողմից հատկացված աղբավայրեր: Շինարարական մեքենաների տեխնիկական սպասարկումը և վերանորոգումը նախատեսված է իրականացնել մասնագիտացված կետերում: Բետոնի և շաղախի առաքումն իրականացվելու է տարածաշրջանի մոտակա բետոնաշաղախային հանգույցներից՝ պատրաստի վիճակում, մասնագիտացված տրանսպորտային միջոցներով:

Շինարարության ժամանակ ջուրն օգտագործվելու է տարածքների ջրցանման, հողի/գրունտի խոնավեցման և շինանձնակազմի խմելու-կենցաղային կարիքների համար: Տեխնիկական ջրօգտագործումը /որը ընդհանուր կկազմի 385 մ³/շին. ժամանակահատված/, շինհրապարակ կբերվի պայմանագրային հիմունքներով՝ ջրատար մեքենաներով: Իսկ շինանձնակազմի տնտեսակենցաղային կարիքների համար 250.56 մ³/շին. ժամ ջրածախսը կապահովվի տարածքում առկա ջրագծից: Աշխատողների կոմիունալ-կենցաղային կարիքների համար ջրօգտագործումը և ջրահեռացումը կիրականացվի տարածքում գոյություն ունեցող սանիտարական սարքերից:

Գործունեության իրականացման արդյունքում շրջակա միջավայրի վրա ազդեցությունները և ռիսկերը հիմնականում պայմանավորված կլինեն շինարարական աշխատանքների ընթացքում անօրգանական փոշու և ծխագազերի ժամանակավոր արտանետումներով, որոնք կարող են առաջանալ հողային աշխատանքներից և տեխնիկական միջոցների աշխատանքից՝ դիզվառելիքի այրման արդյունքում: Շինարարական աշխատանքների ընթացքում հնարավոր ազդեցությունները կանխարգելելու նպատակով հայտում ներկայացվել է բնապահպանական միջոցառումների ծրագիր:

Մթնոլորտային օդի պահպանության նպատակով նախատեսված է՝

- շինարարության ընթացքում պարբերաբար ջրցանի իրականացում /օրական 2-3 անգամ/,
- շինարարական տեխնիկայի և փոխադրամիջոցների տեխնիկական վիճակի ստուգում՝ իրականացնելով կարգավորում,
- շինարարական նյութերի (ավազ, խիճ, հողային զանգված և այլն) տեղափոխում փակ ծածկով մեքենաներով,
- շինհրապարակում սորուն նյութերի պահեստների ծածկում համապատասխան բարձրությամբ թաղանթով՝ փոշու տարածումը կանխարգելելու նպատակով,
- շինարարական աշխատանքների ժամանակ շենքի ծածկում՝ փոշու տարածումը կանխող ցանցով:

Հողային ռեսուրսների և շրջակա տարածքների պահպանության նպատակով, շինարարական նյութերի և քայուղերի ժամանակավոր պահեստները նախատեսված են տեղադրել բետոնապատ մակերեսի վրա, իսկ նավթանյութերի արտահոսքի հավանականությունը հնարավոր կլինի կանխել շինարարական աշխատանքներում ապահովելով սարքավորումների և մեքենաների պատշաճ տեխնիկական վիճակ:

Շինարարության ընթացքում հոսքաջրերի և անձրևաջրերի հեռացման համար, շինհրապարակին կից նախատեսված է պարզարան, որտեղ հոսքաջրերը կենթարկվեն մեխանիկական նստեցման, որից հետո պարզեցված ջուրը կօգտագործվի տարածքի ջրցանման համար, իսկ առաջացած նստվածքը կհեռացվի որպես շինաղբ:

Շինարարության ընթացքում հարակից տարածքների համար աղմուկի հնարավոր ազդեցությունը նվազեցնելու նպատակով նախատեսված է շինարարական աշխատանքների և տրանսպորտային երթևեկության կազմակերպում սահմանված ժամերին, աղմուկ առաջացնող մեքենաների և սարքավորումների օգտագործումից

խուսափում, խլացուցիչների տեղադրում, տեխնիկական միջոցների պարբերաբար ստուգում և կարգաբերման իրականացում:

Հողաձածկին պատճառվող վնասները նվազագույնի հասցնելու նպատակով շինարարական աշխատանքների ընթացքում ազդեցության ենթակա 180 խմ ծավալով բերրի հողի համար, ՀՀ օրենսդրական պահանջներին համապատասխան, հայտում նախատեսված է պահպանության միջոցառումներ: Շինարարական աշխատանքների ավարտից հետո պահեստավորված բերրի հողը կօգտագործվի հանգստի գոտու տարածքի կանաչապատման և բարեկարգման աշխատանքների համար: Կանաչապատումը կիրականացվի տեղանքին բնորոշ ծառափուտային բուսականությամբ՝ դենդրոպլանին համապատասխան: Տնկվելու են թխկի՝ սրատերև կարմիր, գնդաձև իլենի, հուդայածառ, սյունաձև թույա, փովոդ գիհի, բարբարիս և ստեղծվելու է 520 քմ մակերեսով սիզախոտ:

Հայտում ներկայացվել է նաև միջոցառումների ծրագիր՝ ուղղված արտակարգ իրավիճակների ռիսկը նվազագույնի հասցնելուն և արագ արձագանքելուն /ներառյալ հակահրդեհային միջոցառումներ/, ինչպես նաև՝ բուսական և կենդանական աշխարհի պահպանությանն ուղղված:

Շինարարական աշխատանքների իրականացման ընթացքում նախատեսվում է իրականացնել շրջակա միջավայրի վրա բացասական ազդեցության կանխարգելման/մեղմացմանն ուղղված մշտադիտարկումներ /ըստ տեղամասերի և ժամանակացույցի, ներառյալ՝ կենսաբազմազանության մշտադիտարկում/: Բնապահպանական միջոցառումների իրականացման համար նախատեսվել են ծախսեր:

Պարճառաքանական մաս. նախնական գնահատման և փորձաքննության փուլերում, ՀՀ օրենսդրությամբ սահմանված կարգով, Ծաղկածոր քաղաքում անցկացված հանրային քննարկումներում գործունեության իրականացումը մասնակիցների կողմից արժանացավ հավանության: Հանրային քննարկումների ընթացքում մասնակիցների կողմից հարց բարձրացվեց գործունեության ենթակա տարածքում սողանքային երևույթների առկայության վերաբերյալ: Ըստ շրջակա միջավայրի նախարարության՝ 27.05.2020թ. գրության պահանջի, ձեռնարկողի կողմից փորձաքննության ներկայացվեց տարածքում իրականացված ինժեներակրթաբանական հետազոտությունների արդյունքների վերաբերյալ լրացուցիչ տեղեկատվություն: Համաձայն արդյունքների, Ֆիզիկակրթաբանական վտանգավոր երևույթները /ինչպիսիք են՝ կարստը, սողանքը, քարաթափությունը, փլուզումը/ բացակայում են, սակայն պայմանավորված տեղանքի բարդ երկրաբանական պայմաններով, շինարարական աշխատանքների արդյունքում /թեք լանջի կտրման հետ կապված/ հնարավոր է ֆիզիկակրթաբանական վտանգավոր երևույթների առաջացում՝ փլուզում: Հայտը լրամշակվել է տեղամասում փլուզման երևույթը կանխարգելող միջոցառումներով: Որպես պաշտպանիչ միջոցառումներ նախատեսվել է հենապատի կառուցում /որի մի մասն արդեն տարածքում կառուցված է/, ինչպես նաև ցամաքորդների ու ջրհեռացնող առուների կառուցում, որոնցով կառույցների հիմքերը հնարավոր կլինի պաշտպանել ստորերկրյա ջրերից և մակերևութային հոսքերից:

Փորձաքննական գործընթացին մասնակցել են շրջակա միջավայրի նախարարության ստորաբաժանումները և արտակարգ իրավիճակների նախարարությունը, որոնց կողմից առաջ քաշված դիտողությունները հայտը լրամշակվել է:

Ամփոփելով հայտի բնապահպանական և սոցիալական ազդեցությունների վերլուծությունները՝ կարելի է եզրահանգել, որ նախատեսվող գործունեության իրականացման արդյունքում շրջակա միջավայրի վրա հնարավոր բացասական ազդեցությունները, որոնք առնչվում են շինարարական աշխատանքների հետ, կկրեն ժամանակավոր և տեղայնացված բնույթ և կլինեն թույլատրելի սորմայի սահմաններում:

Դրանք կարող են բացառվել կամ մեղմվել գործունեության ընթացքում բնապահպանական միջոցառումների արդյունավետ իրականացմամբ:

Փորձաքննական պահանջներ


1. Մինչև գործունեության իրականացումն անհրաժեշտ է օբյեկտի նախագծային փաստաթղթերի ամբողջական փաթեթը համաձայնեցնել արտակարգ իրավիճակների նախարարության և ՀՀ քաղաքաշինության, տեխնիկական և հրդեհային անվտանգության տեսչական մարմնի հետ:
2. Հաշվի առնելով տեղանքի բարդ երկրաբանական պայմանները և շինարարության ընթացքում հնարավոր ֆիզիկաերկրաբանական վտանգավոր երևույթների առաջացումն, անհրաժեշտ է գործունեության իրականացման ընթացքում առաջնորդվել ՀՀ տվյալ ոլորտը կարգավորող նորմատիվաիրավական ակտերի պահանջներով:
3. Գործունեությունն իրականացնելիս անհրաժեշտ է առաջնորդվել Առողջապահության նախարարի 2007 թվականի ապրիլի 4-ի թիվ 236-Ն հրամանով հաստատված սանիտարական կանոնների և նորմերի պահանջներով:
4. Շինարարական աշխատանքների ընթացքում առաջացող տարբեր տեսակի թափոնների և մնացորդային գրունտի հեռացումն ու տեղադրումն անհրաժեշտ է իրականացնել ՀՀ օրենսդրությամբ սահմանված կարգով՝ Ծաղկաձորի քաղաքապետարանի հետ համաձայնեցված:
5. Տարածքի անաչապատման աշխատանքներն անհրաժեշտ է իրականացնել տարածքի համար մշակված կանաչապատման նախագծին համաձայն, համաձայնեցված Ծաղկաձորի քաղաքապետարանի հետ:
6. Շինարարության ընթացքում պահպանել բնապահպանական կառավարման և մոնիթորինգի պլաններում նախատեսված միջոցառումների իրականացումը և ժամանակացույցերը:
7. Բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը:

ԵԶՐԱՓԱԿԻՉ ՄԱՍ

Ծաղկաձոր քաղաքի Պահլավունյանց փողոց թիվ 18/4 և 18/5 հասցեներում հյուրանոցային համալիրի կառուցման և գոյություն ունեցող հանգստյան տնակների վերակառուցման աշխատանքների շրջակա միջավայրի վրա ազդեցության նախնական գնահատման հայտին տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Տնօրենի տեղակալ՝

Գլխավոր մասնագետ՝



Գ. Գևորգյան

Հ. Մկրտչյան